

回族和中国伊斯兰教古籍资料汇编

清真指南

回族和中国伊斯兰教古籍资料汇编

清真指南

卷之七

獨一

大能

普慈

調養


獨慈

天國

地禁

判理

聖讚



清真指南卷之七

上元

劉三傑漢英

較閱

廣陵

古之瓚鳳儀

滇南九隆聖裔馬

注文炳甫著

江寧

馬之騏仲敏

古梁

孫必第後山

叅訂

八讚

八讚者。九十九讚之發孤也。經云讚。主清淨。天地不能勝其重。愚竊慕之。人各有

心。視聽其鍾。首因讚悟道。因道尋主。因主避罪。因罪辨功。則於天堂不無望也。

獨一

太極未萌。陰陽未肇。涵萬象於先天。具衆理於元始。無動無靜。至渺至冥。色象不能喻其妙。萬物不能配其尊。見非憑目。視無不察。聞非憑耳。聽無不聰。言非憑舌。語無不備。綿綿而無始。悠悠而無終。非從所生。亦無所生。垂造天地。長育羣靈。至清至淨。無配。

真主

言○世○人○既○有○了○性○命○。當○思○性○命○之○原○根○自○何○而○
有○其○有○也○何○意○。生○從○何○來○。死○從○何○去○。父○母○未○生○
前○是○何○面○目○。及○至○既○死○後○。又○何○光○景○。所○以○要○認○
得○一○個○造○化○性○靈○之○

真主○歸○真○復○命○之○正○道○。譬○之○欲○觀○帝○王○。必○有○一○條○
堂○堂○正○路○。可○以○往○。可○以○來○。然○後○恩○威○出○自○朝○廷○。○
賞○罰○必○由○正○主○。非○羣○下○所○能○擅○其○威○福○者○。雖○有○

一切岐途僻道。畧猶彷彿正途。一時錯足。愈趨
愈遠。其始也。差之毫厘。其終也。謬之千里。若非
正人指點。必不能遡本窮源。復回正道。所以清
真至理。總是致知格物之功。到那極盡處。方纔
住足。試舉太極未生。陰陽未有之前。穆穆清清。
無色無聲。惟有獨一之。
真主。無比配。無伴侶。無起初。無盡限。無幫襯。無永
祈。古有永活。惟一清淨。至玄至能。要爲無阻。具

色象妙明之始。若能文之士。文章未成。其間欸
段起伏已早。具於胷臆之中。及其秉筆一揮而
就。所以涵萬象於先天之內。蓋有一物必有一
物之理。猶文字中有一字。必有一字之義。是又
具衆理於元始之際。在

真主本無先後也。若以爲動自

真主之本然。其實無動。或曰。無動是何形狀。曰。譬
之父稚母嬰。諸緣未起。性妙之靈光自在。其清

淨本有寂然無朕。自與眼耳鼻舌無干。非謂無
眼耳鼻舌。即無性妙之本。有聲含鐘內。香具木
中。色妙渾容。真機未露。此是無動的樣子。若以
爲靜。自

真主之要。爲其實無靜。或曰。無靜是何形狀。曰。月
皎。星輝。諸緣畢現。陽和初布。萬物爭榮。聲出簫
中。香生花內。色妙兩有。真機悉露。此是無靜的
樣子。故動不離靜。非靜無動。靜則長存。動則不

息動靜無干。方顯真靜。故曰無動無靜。燒燭於堂而光盈焉。清風入來。遂與共焉。明月照臨。遂與容焉。鐘聲臨側。遂與同焉。花香滿座。遂與合焉。春氣融融。遂與化焉。未有燒燭於堂。而風月聲香和氣。不可以入者。故光以目得。聲以耳得。香以鼻得。味以口得。冷煖以膚得。理趣以心得。真主造化。一切不同之息。典可以參悟得。造化一切不同之機密。不可以思議得。夫總具一堂。而

有光燭風月。聲香和氣不同之動靜。况諸有色
界。諸無色界。目所未覩。耳所未聞。鼻所未臭。口
所未嘗。膚所未覺。心所未想。至奇至異之物。與
至玄至妙之理。尋踪問跡。溯本窮源。叅求造化
踪跡本源。予奪生死禍福。貴賤窮通。善惡賢愚。
至清至淨。玄妙獨一之。

真主。若尋春於花。花非即春。覓聲於風。風非即聲。
愈仰愈高。愈入愈深。左右前後。表裏精粗。杳不

可得。故又曰。至渺至冥。試就其色象而言之。色莫過於五彩。

主無色。不屬於色。象莫過於三光。

主無象。不屬於象。蓋謂色象乃天地萬物之顯。顯屬有形。理乃天地萬物之隱。隱屬無聲。顯非即隱。非隱無顯。

真主乃造化一切。隱顯之至。隱而無能測其隱者。土之在釜而釜盈矣。土無能復加。水可浸之。灌

水於土。而土中之水盈矣。水無能復加。氣可通
之。呵氣於水。而水中之氣盈矣。氣無能復加。火
可透之。爨火於釜。而釜土水氣俱熱。氣中之火
盈矣。火無能復加。理可貫之。夫總具一釜。而有
清濁不同之妙用。愈渺愈化。愈細愈容。况造化
清淨玄妙之。

主。貫徹諸天世界。而諸天世界不碍。
真主之光。愈清愈淨。無比無衡。故又曰。色象不能

喻其妙。色象之巨莫如天地。經云一切世界懸
主闕下。若虛空一塵。海水一滴。今以塵滴世界包
藏所有之物。欲配造化世界之。

主。不猶旁父追日。以管窺天。以蠡測海耶。所以形
莫大於天地。靈莫爽於人神。物莫繁於萬彙。無
一物可以配。

真主之尊。人之能視也。以其有目。

真主能察人神萬物。一切隱顯之機微。而視不憑。

目。人之能聽也。以其有耳。

真主能聽人神萬物一切不同之聲息。而聽不憑耳。人之能言也。以其有舌。

真主能降一切真經。與萬類之語音。而言不憑舌。體萬物而不同。物化萬物而無所倚。無處所。無定位。無間斷。無時光。其大也。萬天莫之能載。其細也。一塵莫之能窺。至純無雜。至靈不寐。綿綿焉。無始可攷。悠悠焉。無終可極。一切之物。因生。

而有。

真主之有。非從所生。其實無有能生之者。惟其無
生。所以至恒不息。故能成造天地之大。長養萬
物之繁。而使羣生均沾化育之恩。委實

真主。是至清而且化。至淨而無染。無極妙明之
主。